



Broj: 04-40-1-202/25
Sarajevo, 22.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 21.07.2025. do 08:30 sati 22.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 17 manjih intervencija: šest na gašenju niskog rastinja, tri na gašenju otpada na otvorenom prostoru, jednu na gašenju smeća u kontejneru i sedam obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 21.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Prilikom redovnog obilaska lokaliteta klizišta Curine njive, izvršen je vizuelni pregled kompletnog terena. Utvrđeno je da je dotok vode iz tri pravca podnožja deponije i dalje prisutan te se ulijeva u postojeći drenažni kanal. Taj dotok je konstantan i naročito izražen nakon padavina, ali trenutno bez znakova zadržavanja vode na površini igrališta.

Na lokalitetu klizišta nije zabilježeno značajnije pogoršanje u odnosu na prethodni dan. Teren je trenutno u stabilnom stanju, bez novih pukotina ili pomjeranja tla. Manji dotoci vode i dalje su prisutni, dolaze ispod same deponije i ulijevaju se u drenažni kanal, uz prisutnu vidljivu vlagu u tlu ispod igrališta, kao i u zoni iznad rasadnika.

Također, na postojećim pukotinama koje su prethodnog dana pokazivale širenje i izraženu eroziju, trenutno nema naznaka daljeg razvijanja ni pogoršanja, što ukazuje na privremenu stabilizaciju stanja na terenu.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora.

U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na deponiji Knjeginjac nije zabilježeno promjena u odnosu na prethodni dan. Površina deponije u gornjem dijelu je suha, bez vidljive vlage. Na pojedinim mjestima uočena je blaga erozija tla, ali bez znakova širenja ili većih deformacija. U donjem dijelu deponije i dalje je prisutna stalna vlaga, uz blatnjave površine, što ukazuje na zadržavanje vode u toj zoni. Potrebno je nastaviti sa redovnim obilascima, posebno donjeg dijela, kako bi se pravovremeno uočile eventualne promjene u stabilnosti tla.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Bistrički potok trenutno ima stabilan i neometan protok, bez znakova zastoja, začepljenja ili izlivanja iz korita. Tok vode je slabijeg kapaciteta ali uredan duž većeg dijela potoka, bez vidljivih prepreka koje bi mogle ometati prirodno oticanje.

Međutim, u gornjem dijelu korita i dalje su prisutna oborena stabla, kao i urušene stijene, koji djelimično opterećuju okolni teren i potencijalno mogu ugroziti slobodan protok vode, naročito tokom obilnijih padavina.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U dvadesetdevetoj kalendarskoj sedmici (periodu od 14.07. do 20.07.2025. godine) Zavodu za javno zdravstvo Kantona Sarajevo dostavljeno je ukupno 48 prijava zaraznih bolesti obaveznih prijavljivanju, od toga: tri angina streptococcica, 15 enterocolitis acuta, 11 herpes zoster, sedam infectio nosocomialis, dva leptospirosis, jedan mononucleosis, jedan scabies, jedan scarlatina, jedan sepsis, dva syphilis, dva tuberculosis activa, jedan toxiinfectio alimentaris i jedan Q-fever.

Broj oboljelih u Kantonu Sarajevo od Leptospiroze na dan 21.07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 21.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
113	77	11	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 20°C, vlažnost zraka 54%, barometarski pritisak 938,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Zbog održavanja manifestacije, do 10.08.2025. godine u vremenu od 18:00 do 23:00 sata obustavljat će se saobraćaj u Hadžićima (u ulicama Hadželi i Zlatnih ljiljana).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a